



**CONVENIO DE COLABORACIÓN ENTRE A AXENCIA TURISMO DE GALICIA E ASOCIACIÓN DE COMERCIANTES, EMPRESARIOS E PROFESIONAIS CCA COMPOSTELA MONUMENTAL PARA A EXECUCION DO PROXECTO DE MELLORA DA IMAXE DO LOCAL SOCIAL DE COMPOSTELA MONUMENTAL DE CARA AO ANO XACOBEO 21.22**

**MEMORIA XUSTIFICATIVA**

O xerente de Turismo de Galicia

**DECLARA:**

Que esta Axencia Turismo de Galicia formalizou coa Asociación de Comerciantes, Empresarios e Profesionais CCA Compostela Monumental o instrumento convencional arriba referido por un período de vixencia que abrangue dende a data da súa sinatura ata o 31 de decembro de 2021.

Que o instrumento convencional ten por obxecto establecer o marco de colaboración entre Axencia Turismo de Galicia e a Asociación de Comerciantes, Empresarios e Profesionais CCA Compostela Monumental para o proxecto de mellora da imaxe do local social da entidade.

Que existe converxencia de intereses entre as entidades asinantes en orde á consecución obxecto referido.

Que o instrumento convencional que se pretende asinar se **fundamenta** no seguinte:

**Primeiro.-** A Axencia Turismo de Galicia ten como obxectivo impulsar, coordinar e xestionar a política autonómica en materia de turismo e, en especial, a promoción e a ordenación do turismo dentro da comunidade e a conservación e promoción dos Camiños de Santiago.

No artigo 9 dos Estatutos da Axencia Turismo de Galicia, aprobados polo Decreto 196/2012, do 27 de setembro, establécense entre as súas funcións ou competencias a dirección das actuacións relacionadas coa posta en valor cultural e turístico do Camiño de Santiago, a súa promoción, a xestión da imaxe corporativa do Xacobeo e da rede de





albergues, e o mantemento e conservación dos camiños e a súa sinalización, así como calquera outra acción que redunde en beneficio do Camiño de Santiago.

**Segundo.-** A Asociación ten a súa sede no número 31 da rúa Algalia de Arriba de Santiago de Compostela. O edificio onde se asenta é propiedade da Xunta de Galicia e o seu uso foi cedido á Asociación en réxime de comodato mediante contrato celebrado con data 20 de decembro de 2012.

A cesión outorgouse por un período de 10 anos, prorrogables por períodos sucesivos de igual duración. A Asociación expuxo a necesidade de acometer as obras precisas para o arranxo das fachadas do edificio e a instalación dun baño para discapacitados.

Non obstante o anterior, e dado que se trata dunha obra motivada da necesidade de lograr a mellora da accesibilidade ao citado inmovible, así como dunha instalación que redunde en beneficio do edificio e que perdurará no mesmo unha vez que este reverta na administración autonómica propietaria, enténdese necesaria a colaboración prevista no presente convenio para a mellora da sede onde se ubica a asociación sen que a subvención que se instrumenta ao seu través teña a consideración de reembolso nos termos previstos na cláusula 5 do devandito contrato.

**Terceiro.-** Entre os fins da Asociación de Comerciantes, Empresarios e Profesionais Centro Comercial Aberto Compostela Monumental, en diante a Asociación, está o de promocionar o turismo cultural e de compras de cara aos Anos Santos, Xacobeo 2021/22.

**Cuarto.-** A consideración deste 2021 como Ano Santo, cunha distancia temporal de once anos con respecto ao anterior (2010), converte ao Xacobeo 21-22 nun acontecemento excepcional e de transcendencia global que producirá unha afluencia peregrina moi importante, ligada ao espírito e á celebración do Xacobeo, coa consecuente incremento de visitantes, o que implica a necesidade de mellorar as infraestruturas de Santiago como punto final do Camiño.

**Quinto.-** Concorren, así, razóns de interese público que xustifican o outorgamento dunha subvención sen que proceda promover a concorrència pública ao ser a Asociación á única entidade que pode desenvolver á actuación subvencionada, por ser a usuaria do inmovible, e a posta en valor do Camiño de Santiago de cara á celebración do Ano Santo Xacobeo, ofrecendo aos visitantes e peregrinos elementos patrimoniais de gran beleza e singularidade, que incidirán na promoción e potenciación do turismo en Galicia.





Que a través deste convenio, outórgase á Asociación unha subvención directa en virtude do disposto no artigo 19.4 c) da Lei 9/2007, do 13 de xuño, de Subvencións de Galicia, polas razóns de interese público, expostas nos puntos anteriores e que dificulta a súa convocatoria pública, de conformidade co previsto no artigo 26.2.a) da Lei 9/2007 do 13 de xuño, de subvencións de Galicia.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a sinatura dun contrato dos contemplados na Lei 9/2017, do 8 de novembro, de contratos do sector público, pola que se transpoñen ao ordenamento xurídico español as Directivas do Parlamento e do Consello 2014/23/UE e 2014/24/UE, do 26 de febreiro de 2014, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria, en Santiago de Compostela

O xerente de Turismo de Galicia

Emilio José de la Iglesia Lema

